

DIE LOOT

NUUSBRIEF VAN GEREFORMEERDE KERK BELLVILLE



"Ek is die wynstok, julle die lote. Wie in My bly, en Ek in hom, hy dra veel vrug; want sonder My kan julle niks doen nie". *Joh.15:5*

4 Maart 2018

1. EREDIENSINLIGTING

Oggend	Ds. C.C.A. Vrey	Aand	Ds. C.C.A. Vrey
Sing vooraf	Ps. 54: 1, 2	Sing vooraf	Ps. 87: 4, 5
Sing	Ps. 92: 1, 2	Sing	Ps. 146: 1, 8
	Ps. 141: 1, 3		Ps. 119: 12, 13
	Ps. 127: 1, 2		Sb. 19-3: 1 - 4 (25)
	Ps. 40: 3, 4		
Skriflesing	Haggai 1	Skriflesing	Handelinge 8: 4-25 Handelinge 22: 1-16 HK Sondag 27 Vraag 72, 73
Teks	Haggai 1: 8	Teks	Handelinge 8: 21-22 Handelinge 22: 16
Tema	Is God se wil en sy koninkryk regtig vir jou die heel belangrikste?	Tema	n Waarskuwing om nie die doop te oorskat nie
Katkisasie-opening: Skrifberyming 3-4: 1, 2, 5 (Sb. 65)			

2. GEMEENTENUUS EN –AKTIWITEITE

BORG 'n BYBEL

Daar is geleentheid vir die katkisanter om op DV **Sondag, 18 Maart** by Rus-oord bybels uit te deel vir die bejaardes wat nie een het nie. Daar gaan 'n kort vermaaklikheids-program en verversings ook aangebied word. Verskeie jongmense van ons gemeente het reeds ingestem om musiek te maak en indien daar nog lidmate is wat hul talente wil aanbied, kontak asseblief vir sr. Debbie Joubert. Skryf asseblief jou naam op die lys in die konsistorie.

BYBELSTUDIE

Bellville (Afrikaans): Dinsdag om 09h30 en 19h00 in die konsistorie

Bybelstudie vir mamma's - Woensdag 09h30 (kontak sr. Sanet van Hoving)

KLIPPIES

Die Klippies kom DV **Vrydag, 16 Maart** van 18h00 tot 20h00 by die kerk bymekaar. Ons beplan 'n opruimings-projek gevolg deur 'n lesing deur Deléne Vrey om die kinders in te lig oor die gevolge van rommelbesoedeling op die ekosisteem en die bewusmaking vir die herstel van God se skepping. Skakelpersoon: sr. Debbie Daling

LEWENDE STENE & ROTSE

Alle graad 8 tot 25-jarige lidmate kom DV vanaand bymekaar vir bybelstudie. Dit is 'n gesamentlike byeenkoms met Bellville-Oos gemeente en begin om 19h45 by hulle kerkgebou. Ons gaan Prediker 4 behandel. Laat weet asseblief of jy gaan kom en indien jy vervoer benodig. Vir navrae kontak sr. Carolien Meijering.

KULTE-TOERUSTING

Prof. Henk Stoker gaan DV op **Saterdag, 24 Maart** van 09h00 tot 13h00 'n kulte/sekte-opleiding en bewusmakings geleentheid aanbied by GK Strand. Die doel van die praatjie is om te verstaan hoe kultes te werk gaan en met daardie kennis te weet hoe om voorkomend op te tree, hoe om mense daarin vasgevang te benader, asook om nasorg te doen wanneer iemand uitkom. Ons vra dat elkeen 'n R20 donasie saambring, om te help met die koffie en verversings. Ter wille van voorbereiding van getalle, skryf asseblief u naam op die lys in die teedrinklokaal indien u die geleentheid wil bywoon

MEELEWING

Ons bid die seën van die Here toe vir:

- Mienke van Niekerk wat haar arm gebreek en geopereer is

OMGEWINGSAKE

Ons is dankbaar vir die mooi reaksie op die bekendstellings praatjie, asook vir br. Eduard Roos wat homself as ons gemeente se omgewingsaktiveerder aangebied het. Ander belangstellendes hiermee is baie welkom. Ons moet veral ons jeug so gou moontlik aanboord kry. Wenke om ons waterverbruik te beperk is veral welkom in hierdie droë aanloop tot ons reëntyd. Die skeppingsverhaal in die Bybel sê dat die mens na die beeld van God gemaak is sodat hy oor die skepping kan heers. As heerser is daar ook grense aan sy heerskappy. Hy moet heers na die voorbeeld van God - met liefde en respek. In teenstelling hiermee hiermee is dit magismisbruik en 'n skending van die beeld van God. Dit gaan om die wil van God oor hierdie verhouding tussen ons en ons omgewing. Daarom kan Christene die besorgdheid hieroor nie aan 'n minderheid bewaringsbewustes oorlaat nie. Elkeen van ons gesinne en lidmate moet dus beraadslaag hoe om hul voetspoor op die omgewing so klein moontlik te hou. Ons huidige knellende oorlewingsaksie skep hiervoor 'n geleentheid om dit te beproef.

POTJIEKOS-KOMPETISIE

Ons gemeente hou DV **Saterdag, 24 Maart** 'n potjiekos-kompetisie. Diegene wat graag 'n potjie wil inskryf, moet asseblief hul naam op die lys in die konsistorie skryf. **Oud en jonk kan deelneem!** Inskrywings is gratis, maar die deelnemer verskaf self die bestanddele as 'n skenking. Die wenner ontvang die gesogte wisseltrofee asook 'n geskenk!

Program: 14h00 Vure word aangesteek
18h00 Beoordeling
18h30 Tafelgebed & ete

Reëlings:

- Minimum pot-grootte is 'n **nr. 3 potjie** (ten minste 10 porsies)
- Elke deelnemer vul 'n vorm in met jou eie naam as die eerste kaartjie (wat gratis is).
- Jy verkoop dan die res van jou pot se porsies aan ander lidmate. Hierdie name word ook op jou vorm ingevul.
- Indien jy nie self jou pot se kaartjies uitverkoop nie, kan enige ander persone hul naam by jou potjie skryf.
- **Koste: R40 per porsie (R20 vir kinders onder 10 jaar)**
- Hout & bykosse word verskaf.
- Koffie/tee en 'n soethappie sal teen R10 te koop aangebied word.
- **Inskrywings sluit 11 Maart 2018.**

Vorms en kaartjies is by sr. Tillie Wüst beskikbaar. Plaas asseblief die korrekte bedrag in 'n gemerkte koevert. Slegs kontant betalings asseblief.

SKIEREILAND VIR CHRISTUS

Ons wil graag hierdie jaar weer gaan kamp met die Skiereiland vir Christus kinders. Dit was 'n groot sukses verlede jaar - ons het meer van die kinders geleer en is definitief besig om dieper verhoudings te bou. Die kamp se sukses was wel nie te danke aan een of twee persone nie, dit was as gevolg van baie lidmate se insette en bydraes. Hierdie jaar wil ons weer die gemeente se hulp vra - enige wyse van hulp sal waardeer word!

Die kamp vind plaas DV Woensdag, 4 April - Sondag, 8 April te Disakloof, Bettiesbaai.

Ons benodig:

- **Groepleiers** wat die kamp kan bywoon en met die kinders werk ;
- Lede vir die **kos-span** wat vir br. Adriaan Louw kan bystaan ;
- Persone wat kan help met die **vervoer** van kinders en toerusting ; en
- Lidmate wat kans sien om vir ons 'n **aktiwiteit** te kom aanbied.

Dit is ook nie nodig om die hele naweek by te woon nie – almal is welkom om te kom kyk wat ons doen! Kontak asseblief vir srs. Elré Gerber, Magda Groot of Jana de Bruyn indien jy wil betrokke raak.

VGK BASAAR – Ons bak pannekoek!

Die Vrye Gereformeerde Kerk beplan hul basaar vir DV **Woensdag, 21 Maart** ('n publieke vakansiedag). Ons Susters gaan 'n pannekoek-stalletjie hê, as fondsinsameling vir die Susterskas. Ons benodig bestanddele en helpers (broeders ook baie welkom) om te help bak en verkoop. Enige skenkings van bestanddele, of kontant vir aankoop van bestanddele, sal baie waardeer word. Daar is naamlyste op die kennisgewingbord waar lidmate hul name kan opskryf vir hulp en skenkings. Enige navrae kan gerig word aan sr. Annalize Louw.

3. SUSTERS

SAAMTREK 2018

Die saamtrek vind DV **Saterdag, 10 Maart 2018** plaas te Goodwood. Susters wat nog nie die gelde betaal het nie, word vriendelik versoek om dit in 'n gemerkte koevert in die Kassiere kassie te plaas.

TEESKINKBEURTE

Vandag: Srs. **Gerry van der Walt**, Debbie Daling, Michelle de Witt, Anna-Marie Joubert, Martha Silvis, Daniëlle Smit, Marthie van Rooy, Annette Wendt

Volgende Sondag: Srs. **Emzy Venter**, Marie de Haan, Antoinette du Plessis, Rina Hoffman, Deléne Snyman, Sophia Thiar, Mercia van der Walt, Tillie Wüst

4. VAN DIE KERKRAADSTAFEL

DIENSBEURTE VIR OUDERLINGE EN DIAKENS

Diakens

Vandag: Brs. Ferdinand Hoffman, Jeanré Taljaard, Eduard Roos, **Piet Reyneke**

Volgende week: Brs. Cobus du Plessis, Albert Mulder, Dick van der Wilt, Reinard Visser

Ouderlinge

Vandag: Brs. Ben Groot, Berend Meijering, Piet Aucamp, Gustaaf Costerus

Volgende week: Brs. Daan Joubert, André Coetzee, Freddie Scheepers, Willie Buys

Diensbeurte in Rondebosch (ouderling en diaken)

Vandag: Brs. Willem de Haan, Dewald Costerus

Volgende week: Brs. Peet van der Walt, Chrisjan Vrey

HUISBESOEK DEUR DIE PREDIKANT

Maart: 12/03 Glenlily, 26/03 Parowvallei

April: 16/04 Boston 1, 23/04 Boston 2

Mei: 07/05 Bosbell & Hoheizen, 14/05 Kenridge, 28/05 Loevenstein

KOLLEKTE

Onder die erediens:

By die deure:

Vandag:

Kinderhuise in kerkverband

Teologiese Studentekas

Volgende Sondag:

Diakonale Kas

Emeritaatsfonds

VERGADERINGS

Skiereiland vir Christus

Volgende Sondag na die aanderediens

VERKIESING VAN OUDERLINGE EN DIAKENS

Vanoggend voor die erediens vind daar 'n verkiesing van ouderlinge en diakens plaas.

5. VERJAARSDAE

Baie geluk aan al ons lidmate wat hierdie week verjaar. 'n Geseënde nuwe lewensjaar word u toegebied.

Vandag	Sr. Susan Barnard Ruben Douglas (3 jaar) Sr. Elmarie Swart Sr. Lydia Uys Sr. Hermène van Niekerk Leah Venter (1 jaar)
05/03	Marinus Daling (12 jaar) Br. Joshua Stubbs Br. Elzar Wendt
07/03	Br. Cassie Bester Ariana Uys (17 jaar)

Mag ons God julle waardig maak vir die lewe waartoe Hy julle geroep het, en mag Hy deur sy krag julle liefde vir die goeie en die werk van die geloof volkome maak. 2 Tessalonisense 1:11